

UDHËZIM
Nr. 114, datë 9.7.2024

**PËR PROCEDURËN E LËSHIMIT, E REFUZIMIT TË LËSHIMIT, E
RIPËRTËRITJES APO E ANULIMIT TË LEJES SË QËNDRIMIT DHE LEJES UNIKE
PËR TË HUAJIN**

Në mbështetje të pikës 4, të nenit 102 të Kushtetutës, të pikës 4, të nenit 34, të pikës 4, të nenit 72, të ligjit nr. 79/2021, “Për të huajt”,

UDHËZOJ:

**I. VERIFIKIMI I TË DHËNAVE, REGJISTRIMI NË SISTEM, LËSHIMI I LEJES
PROVIZORE TË QËNDRIMIT DHE ARKIVIMI I DOSJES**

1. Struktura e migracionit pranë autoritetit vendor për kufirin dhe migracionin, pas dorëzimit të dokumentacionit fizik nga i huaji, kryen verifikimin dhe plotësimin e mangësive të konstatuara në aplikim, dhe regjiston në sistemin FER, “Moduli e-lege qëndrimi”. Nëse gjatë regjistrimit evidenton mospërputhje të dhënash (emër, mbiemër, atësi, datëlindje, vendlindje, shtetësi, gjini etj.) ndërmjet të dhënave të deklaruara në portal, dokumentit identifikues dhe atyre ekzistuese në sistemin TIMS, apo më shumë se një rekord për të njëjtin person, merr masa për korrigjimin e këtyre të dhënave në FER-TIMS.

2. Pas regjistrimit të aplikimit në sistemin FER-TIMS, gjenerohen akti i arkivimit të dosjes së aplikimit të të huajt dhe leja provizore e qëndrimit me vullë elektronike i përcillet të huajt në format elektronik, në adresën e emailit të dhënë nga aplikuesi.

**II. DHËNIA E AUTORIZIMIT PËR LËSHIM TË LEJES SË QËNDRIMIT /LEJES UNIKE
OSE REFUZIMIN E SAJ**

1. Miratimi ose refuzimi i aplikimit për leje qëndrimi ose leje unike dhe dhënia e autorizimit për lëshimin apo refuzimin e tyre, bëhet nga struktura përgjegjëse pranë autoritetit qendror për kufirin dhe migracionin, mbi bazën e vlerësimeve të bëra nga të gjitha strukturat që marrin pjesë në vlerësimin e aplikimit, në formën e një akti të miratuar dhe nëpërmjet shënimit në modulën e-lege qëndrimi.

2. Struktura përgjegjëse pranë autoritetit për kufirin dhe migracionin, sipas aktit të miratuar, autorizon për çdo aplikim autoritetin vendor të kufirit dhe migracionit përkatës për të vijuar me lëshimin ose refuzimin e lejes së qëndrimit/lejes unike.

III. LËSHIMI I LEJES SË QËNDRIMIT OSE LEJES UNIKE

1. Pas marrjes së autorizimit për lëshimin e lejes së qëndrimit/lejes unike, struktura përgjegjëse pranë autoritetit vendor për kufirin dhe migracionin, bën shënimin në rubrikën përkatëse për çdo aplikim të regjistruar në modulën e-lege qëndrimi dhe i përcjell të huajt në adresën e email-it të deklaruar në aplikim, njoftimin për miratimin e lejes së qëndrimit/lejes unike, sipas modelit të përcaktuar në aneksin nr. 1, bashkëlidhur këtij udhëzimi, ku e informon, për:

- a) miratimin e lejes së qëndrimit/lejes unike dhe pajisjen me nr. personal FID;
- b) detyrimin për regjistrim pranë zyrës së gjendjes civile për regjistrimin e adresës së banimit;
- c) kryerjen e pagesës së vlerës së kartës biometrike, nëpërmjet mandatit të arkëtimit.

2. Procedura e aplikimit për dokument biometrik leje qëndrimi/leje unike për të huajt, bëhet në zyrën e migracionit, pranë autoritetit vendor për kufirin dhe migracionin, nga vetë i huaji, ku dhe tërhiqet ky dokument pas prodhimit dhe aktivizimit të CHIP-it të trupëzuar në të.

3. Në momentin kur i huaji pajiset me dokumentin leje qëndrimi/leje unike, ai dorëzon pranë autoritetit vendor për kufirin dhe migracionin lejen provizore ose lejen e qëndrimit/lejen unike ekzistuese (në rast të kërkesës për ripërtëritjen e saj), e cila më pas ruhet në dosjen e të huajt.

4. Të huajt që janë pjesë e kategorive të përcaktuara në nenet 52, 53 dhe shkronjës “dh”, të pikës 1, nenit 87, të ligjit nr. 79/2021, “Për të huajt”, pajisen me leje qëndrimi sipas pjesës A, pika 8, shkronja

“c”, të kreut III, të vendimit të Këshillit të Ministrave nr. 858, datë 29.12.2021, “Për përcaktimin e kriterëve, të procedurave e të dokumentacionit për hyrjen, qëndrimin dhe trajtimin e të huajve në Republikën e Shqipërisë”, të ndryshuar, e cila gjenerohet nga moduli e-leje qëndrimi dhe i dorëzohet të huajt fizikisht.

5. Miratimi dhe lëshimi i lejes së qëndrimit/lejes unike, nga autoriteti për kufirin dhe migracionin u njoftohet automatikisht Sistemit e-Visa (VISA) dhe Sistemit të Shërbimeve të Punësimit (SSHP).

IV. ANULIMI/REFUZIMI I LËSHIMIT APO RIPËRTËRITJES TË LEJES SË QËNDRIMIT OSE LEJES UNIKE

1. Për rastet e refuzimit të lëshimit apo ripërtëritjes së lejes së qëndrimit/lejes unike, të parashikuara në nenin 34, të ligjit nr. 79/2021, “Për të huajt”, kur konstatimi bëhet në fazën e aplikimit, strukturat përgjegjëse të autoritetit vendor për kufirin dhe migracionin marrin masa për njoftimin e të huajt mbi refuzimin, si dhe vazhdimin e procedurave ligjore sipas përcaktimeve të pikës 2, të nenit 89 dhe nenit 99, të ligjit nr. 79/2021, “Për të huajt”.

2. Për rastet kur konstatimi bëhet në fazën e vlerësimit të aplikimit për leje qëndrimi/leje unike, autoriteti qendror për kufirin dhe migracionin merr vendimin përfundimtar për refuzimin e lëshimit ose ripërtëritjes së lejes së qëndrimit/lejes unike dhe njofton autoritetin vendor me shkresë zyrtare dhe nëpërmjet shënimit në modulën e-leje qëndrimi mbi këtë refuzim, për të vijuar me procedurat ligjore, sipas përcaktimeve të pikës 2, të nenit 89 dhe nenit 99, të ligjit nr. 79/2021, “Për të huajt”.

3. Në rast se autoritetet e përfshira në bashkëpunim për procedurën e lëshimit të lejes së qëndrimit/lejes unike, konstatojnë një nga rastet për të cilat bëhet anulimi i lejes së qëndrimit/lejes unike, i kërkojnë autoritetit qendror për kufirin dhe migracionin, anulimin e autorizimit, për të cilën më parë mund të kenë dhënë aprovimin.

4. Kur autoriteti qendror për kufirin dhe migracionin merr vendim për anulimin dhe bërjen të pavlefshme të lejes së qëndrimit/lejes unike të lëshuar, ky vendim i përcillet për zbatim autoritetit shtetëror përgjegjës në nivel vendor me shkresë zyrtare, duke u pasqyruar i plotë në Regjistrin Kombëtar Elektronik për të Huajt – FER.

5. Autoriteti përgjegjës në nivel vendor njofton të huajin për refuzimin/anulimin, si dhe për arsyen e këtij vendimi, sipas formatit të refuzimit/anulimit të modelit në aneksin nr. 2 të këtij udhëzimi. Refuzimi/anulimi i lejes së qëndrimit/lejes unike shënohet në Regjistrin Kombëtar Elektronik për të Huajt – FER, së bashku me arsyetimin përkatës.

6. Për të huajt që me marrëveshje qeveritare është parashikuar një format standard i refuzimit për qëndrim në territorin e Republikës së Shqipërisë, zbatohet formati i parashikuar në këtë marrëveshjen.

7. Pas refuzimit të aplikimit ose anulimit të lejes së qëndrimit/lejes unike, referuar parashikimeve të neneve 34, 45, pikat 1, 2 dhe 3 të nenit 72, neni 89 dhe 94, të ligjit nr. 79/2021, “Për të huajt”, kur i huaji ndodhet në territor autoriteti vendor për kufirin dhe migracionin merr masa për largimin e të huajt nga territori i Republikës së Shqipërisë, sipas përcaktimeve të nenit 99, të ligjit nr. 79/2021, “Për të huajt”, përjashtuar rastet e parashikuara në nenin 107.

8. Në rastet kur i huaji nuk ndodhet në Republikën e Shqipërisë, autoriteti qendror për kufirin dhe migracionin njofton të gjitha pikat e kalimit kufitar (PKK) nëpërmjet sistemit TIMS, mbi anulimin ose refuzimin e lejes së qëndrimit/lejes unike, ndërsa autoriteti vendor për kufirin dhe migracionin bën njoftimin në adresën e tij të punës apo të qëndrimit të deklaruar, sipas kërkesave të Kodit të Procedurës Administrative. I huaji njoftohet në PKK nga shërbimet e Policisë së Kufirit dhe Migracionit, në momentin e parë të paraqitjes së tij në hyrje në Republikën e Shqipërisë për refuzimin ose anulimin e lejes së qëndrimit/lejes unike dhe në të njëjtën kohë dhe për refuzimin e hyrjes për rastet e parashikuara në ligj.

9. Refuzimi i aplikimeve për leje qëndrimi/leje unike, si dhe anulimi i lejeve të lëshuara u njoftohet automatikisht sistemeve VISA dhe SSHP.

V. LËSHIMI I LEJES UNIKE PËR KATEGORI TË VEÇANTA

Për kategoritë e shtetasve të huaj që trajtohen me leje unike për kategori të veçanta, të parashikuara në nenin 81, të ligjit nr. 79/2021, “Për të huajt”, aplikimi së bashku me dokumentacionin ligjor depozitohet pranë autoritetit vendor për kufirin dhe migracionin.

1. Autoriteti përgjegjës vendor për kufirin dhe migracionin e përcjell aplikimin, brenda 24 orëve nga depozitimi, pranë autoritetit qendror të kufirit dhe migracionit, i cili e shqyrton në Komisionin e Shqyrtimit të Ankesave pranë këtij autoriteti.

2. Komisioni vendos miratimin ose refuzimin e aplikimit për leje unike për kategori të veçanta dhe njofton autoritetin vendor mbi vendimin e marrë, brenda 3 (tri) ditë pune nga depozitimi i kërkesës pranë këtij institucioni.

3. Komisioni i Shqyrtimit të Ankesave, pranë Departamentit për Kufirin dhe Migracionin, në bazë të vlerësimeve rast pas rasti, kërkon nga autoriteti vendor për kufirin dhe migracionin verifikimin e përmbushjes së kriteve të përcaktuara në ligjin nr. 79/2021, “Për të huajt”. Në këtë rast, vendimi i Komisionit mund të vonohet në varësi të përgjigjes së autoritetit vendor apo plotësimit të dokumentacionit nga i huaji.

4. Pas miratimit të aplikimit, autoriteti vendor për kufirin dhe migracionin ku i huaji ka vendqëndrimin e përkohshëm, pajis të huajin me dokumentin “Leje unike për kategori të veçanta” në formatin e miratuar me urdhër të ministrit të Brendshëm nr. 234, datë 13.12.2022.

VI. PËRLLOGARITJA E FILLIMIT TË AFATEVE TË LEJEVE TË QËNDRIMIT

1. Me qëllim unifikimin e procedurës për mënyrën e përllogaritjes së fillimit të afatit të lejes së qëndrimit/lejes unike, si datë fillimi, pas miratimit nga të gjitha strukturat përgjegjëse, do të jetë data e regjistrimit online të kërkesës në portalin qeveritar.

2. Për shtetasit e huaj që duhet të aplikojnë me vizë, si datë e fillimit të lejes së qëndrimit/lejes unike do të jetë data e hyrjes në territorin e RSH, pas pajisjes me vizën përkatëse.

3. Për procedurën e ripërtëritjes, afati i lejes së rinovuar do të fillojë një ditë pas skadimit të lejes së mëparshme të qëndrimit/lejes unike.

4. Lejet e përhershme të qëndrimit, të tipit C, në mbështetje të pikës 6, të nenit 86, të ligjit nr. 79/2021, “Për të huajt”, do të lëshohen me afat 10-vjeçar (dhjetëvjeçar).

VII. DISPOZITA TË FUNDIT

1. Për ripërtëritjen e lejes së qëndrimit/lejes unike, ndiqet e njëjta procedurë si në rastin e kërkesës për pajisje për herë të parë, përjashtuar aplikimin për vizë për kategorinë e shtetasve të huaj që kërkojnë pajisjen me vizë të tipit D, kur aplikojnë për herë të parë.

2. Ngarkohet Drejtoria e Përgjithshme e Policisë së Shtetit për zbatimin e këtij udhëzimi.

Ky udhëzim hyn në fuqi pas botimit në Fletoren Zyrtare.

MINISTËR I BRENDSHËM

Taulant Balla

DEPARTAMENTI PËR KUFIRIN DHE MIGRACIONIN
DREJTORIA VENDORE PËR KUFIRIN DHE MIGRACIONIN _____

NJOFTIM

Ju njoftojmë se Leja e Qëndrimit/Leja Unike për shtetasin _____, me dokument udhëtimi nr. _____, FID _____ është miratuar.

Për lëshimin e dokumentit biometrik leje qëndrimi/unike, ju duhet të:

Hapi 1: Konfirmoni adresën e saktë të banimit në Zyrën e Gjendjes Civile (duke paraqitur brenda 30 ditëve këtë njoftim të printuar, dokumentin e udhëtimit dhe kontratën e qeras së banesës).

Hapi 2: Kryeni pagesën për vlerën e kartës biometrike duke blerë kuponin në zyrat e Postës Shqiptare

Hapi 3: Paraqiteni në Drejtorinë Vendore për Kufirin dhe Migracionin ose Komisariatin e Policisë Kufitare dhe Migracionit _____, për të kryer procedurën e pajisjes me kartën biometrike leje qëndrimi/leje unike për të huajt.

Faleminderit për mirëkuptimin!

Specialist i Migracionit _____

Drejtoria Vendore për Kufirin dhe Migracionin /Komisariati i Policisë Kufitare dhe Migracionit _____

NOTE

We inform you that your Residence Permit/Single Permit for citizen _____, Travel Document no. _____, FID _____ has been approved.

To issue a biometric document Residence Permit/Unique Permit, you need:

Step 1: *Confirm the correct residential address at the Civil Registry Office (submitting this printed notice, travel document and apartment rental contract within 30 days).*

Step 2: *Make the payment by buying the coupon at the Post Office.*

Step 3: *Be present at the Local Director for Border and Migration or Border and Migration Commissariat _____ to perform the procedure for equipment with the biometric card Residence Permit for Foreigners.*

Thank you for understanding!

IdCode/20220105/2534510

Migration Specialist _____ Local Director for Border and Migration
or Border and Migration Commissariat _____



REPUBLIKA E SHQIPËRISË
MINISTRIA E BRENDSHME
DREJTORIA PËRGJITHSHME E POLICISË SË SHTETIT
DEPARTAMENTI PËR KUFIRIN DHE MIGRACIONIN
DREJTORIA RAJONALE E KUFIRIT DHE MIGRACIONIT

REFUZIMI / ANULIMI I LEJES SË QËNDRIMIT / LEJES UNIKE
REFUSAL / WITHDRAWAL OF RESIDENT PERMIT / UNIQUE PERMIT

Më _____, në Drejtorinë Rajonale për Kufirin dhe Migracionin
On _____ at the Regional Directorate for Border and Migration

☐ I refuzohet leja e qëndrimit shtetasit: ☐ I hiqet leja e qëndrimit shtetasit:
The citizen's residence permit is refused: The citizen's residence permit is revoked:

Mbiemri <i>Family name</i>	Emri <i>First name</i>	
Datëlindja <i>Date of birth</i>	Vendlindja <i>Place of birth</i>	Gjinia <i>Sex</i>
Shtetësia <i>Nationality</i>	Banues në <i>Resident in</i>	
Dokumenti udhëtimit Nr. <i>Travel document no.</i>	Lëshuar në <i>Issued in</i>	Më <i>on</i>

në mbështetje të Ligjit Nr. 79/2021 “Për të huajt”, për arsyet në vijim:
based on Law No. 79/2021 “On Foreigners” for the following reasons:

- ☐ (A) Ka shkelur afatet e aplikimit për leje qëndrimi pa motiv (Neni 34/1(a) Ligji Nr. 79/2021 “Për të huajt”).
Groundless violation of the time limit for residence permit application (Article 34/1(a) of Law No. 79/2021 “On Foreigners”).

☐ (B) Nuk plotëson kushtet e nevojshme për qëndrim (Neni 34/1(b) Ligji Nr. 79/2021 “Për të huajt”) referuar:
Does not meet the necessary conditions for residence (Article 34/1(b) of Law No. 79/2021 “On Foreigners”).

☐ (C) Përbën kërcënim për rendin dhe sigurinë publike dhe është subjekt i largimit nga territori i Republikës së Shqipërisë (Nenet 34/1(c), 72/1(c) Ligji Nr. 79/2021 “Për të huajt”).
The applicant is a threat to public order and security and he is subject to removal from the territory of the Republic of Albania (Articles 34/1(c), 72/1(c) of the Law No. 79/2021 “On Foreigners”).

☐ (Ç) Nuk ekzistojnë me arsyet për të cilat është lëshuar leja e qëndrimit/leja unike (Neni 34/1(d), 72/1 (dh) Ligji Nr. 79/2021 “Për të huajt”).
The reasons for which the residence permit/unique permit is issued no longer exist (Article 34/1(d), 72/1(dh) of Law No. 79/2021 “On Foreigners”).

☐ (D) Ka qëndruar mbi 180 ditë jashtë territorit të Republikës së Shqipërisë (Nenet 34/1(e), 72/1(d) Ligji Nr. 79/2021 “Për të huajt”).
The foreigner has stayed more than 180 days outside the territory of the Republic of Albania (Articles 34/1(e), 72/1(d) of Law No. 79/2021 “On Foreigners”).

☐ (DH) Në rast se i huaji ka përfituar lejen e qëndrimit për shkak të bashkimit familjar dhe është zgjidhur martesë (Neni 34/1 (ç) Ligji Nr. 79/2021 “Për të huajt”).
In case the foreigner has obtained a residence permit due to family reunification and the marriage has been dissolved (Article 34/1 (ç) Law No. 79/2021 “For foreigners”).

☐ (E) Kur leja e qëndrimit/leja unike është marrë duke përdorur dokumentacion të rremë ose në kushte mashtrimi (Nenet 34/1 (dh), 72/1 (a) Ligji Nr. 79/2021 “Për të huajt”).

When the resident permit/unique permit was obtained using false documentation or under fraudulent conditions (Articles 34/1 (dh), 72/1 (a) Law No. 79/2021 “For foreigners”).

☐ (Ë) Pas lëshimit të lejes unike, provohet se dokumentacioni që shoqëron kërkesën nuk është i saktë (Neni 72/1 (b) Ligji Nr. 79/2021 “Për të huajt”).
After the issuance of the unique permit, it is proved that the documentation accompanying the request is not correct (Article 72/1 (b) Law No. 79/2021 “For foreigners”).

☐ (F) Leja unike është anuluar (Neni 72/1 (ç) Ligji Nr. 79/2021 “Për të huajt”).
The unique permit has been canceled (Article 72/1 (ç) Law No. 79/2021 “For foreigners”).

☐ (G) I huaji ndërpret kontratën e punës për arsye të ndryshme dhe largohet nga vendi i punës

për të cilin ka marrë lejen (Neni 72/1 (e) Ligji Nr. 79/2021 “Për të huajt”).
The foreigner terminates the employment contract for various reasons and leaves the workplace for which he received the permit (Article 72/1 (e) Law No. 79/2021 “On Foreigners”).

Komente/Comments

Personi i interesuar mund të ankohet ndaj vendimit për refuzimin e lejes së qëndrimit/lejes unike, sipas parashikimeve të Ligji nr. 79/2021 “Për të huajt” dhe parashikimeve të legjislacionit Shqiptar.

The person concerned may appeal against the decision refusing the resident permit/unique permit as provided for in the law No. 79/2021 “On Foreigners”) and in the provisions of the Albanian legislation.

Personi i interesuar
Person concerned

Autoriteti
Authority